

diani, & Præsidentes prædicti tam pro vsu proprio, quam alieno, Corporalia benedicere: Ex Fratere Emanuele vbi supra.

¶ Ex priuilegio Adriani Sexti, possunt Prouinciales Indiarum ordinum Mendicantium, & Fratres eorum habentes auctoritatem Omnimodam di&i priuilegij, benedicere omnia prædicta: etiam pro vsu alieno, si distent ab Episcopis, vel eorum Officialibus per duas dietas [causa iusta interueniente] pro bono Indorum, putà, quia deterenda sunt ornamenta apud Episcopum distantem viginti leucis.

¶ Et vltra hæc possunt Prouinciales extra duas dietas dictas, & intra, super dicta omnia facere, & benedicere pro vsu proprio, vel alieno, in casu necessitatis, Episcopis in Prouincia non existentibus. Immo benedicere Calices, & Sacramentum Confirmationis fidelibus ministrare. Hoc enim concessit Leo. 10. Fratribus Ioanni Glapioni, Franciscoq; de los Angeles, Ordinis minorum. anno. 1521. venientibus ad has Indias Occidentales, & ad alias sub ditione Regis Hispaniarum existentes, & ad alias eis propinquas. Et postea Adrianus. 6. anno. 1522. concessit